





895

CIMELIA

Das hurübelbe  
ich

Wer rino wöll haben der meyd mich.



Wölcher ein hennen hat die nit eyer leyrt  
Vnd eine saw die nit iungen tret  
Vnd ein kü die nit milch geit 2  
Vnd ein tochter die all nacht außz leit  
Vnd ein sun der gern spilt  
Vnd ein fraw die im heimlich abstilt  
Vnd ein meid die do geet mit ein kind  
fürwar der hat ein vnnuß hauß gesind.

Wan man mir das wolt vertragen  
So wolt ich kurzweylig doruon sagen  
Wann nach dem got geplaget hat  
Die welt vmb ir missethat  
Mit einer plagen groß vnd schwer  
Von der plagen vil zu sagen wär  
Vnd ich doch die plag nennen sol  
So bit ich euch ir hern all wol  
Vnd frummen frawen über all  
Ir sollenz ei h lassen wol gefall  
Wan ich wil den mit züchten  
Es ist genant die schwindt sücht  
Vnd habt mirs nit für übel  
Zum deütschen her des das hürübel  
Ob es ymant hie antreffen sey

Daruon mach ich mich yezund frey  
Vnd red es zu dem ersten mal  
Das hürübel ist ein böse qual 3  
Es seyen leyen oder pfaffen  
So kan es sie machen all zu affen  
Es hat auch den selben sin  
es laß weder fürsten nach herren hin  
Grauen/streyen/ritter vnd edelleüt  
die vertert es zu aller zeyt  
Vff den hohen rossen die reütters knaben  
künden im gar hart entraben  
Die kaufleut vnd der hantwerks man  
die tragen auch solche kappen an  
Sie lassen sich also betören  
das sie iren frawen die nachtpfründent  
Es hat auch die selben naturen furen  
vnd kām es an die acker puren  
Vnd wär in auch also gefeer  
als andern läuten/wär böse meer  
Sie setzen pferdt vnd pflüg daran  
wer wolt vns am letzten zu acker gan  
Es hat auch die selben gestalt  
Es nympt dem manchen sein gewa

Vnd macht in tuffier dan ein geist  
das er seiner sin nit weißt  
Solt ich aber die recht warheit sagen  
so wolt ichs den schönen frawen klagen  
Ich red das auch auß freyer kunst  
es kompt vast von frawen gant  
Vnd von statem beywesen  
Als ich es dan hab gelesen  
Von freuntlicher botschafft schicken  
Brieslein schreyben augen blicken  
Mündlein küssen büßlein greyffen  
lauten schlagen/vñ des nachts pseyffen  
Vnder dem tisch die füßlein treten  
an den bencken die knyelein knetten  
Darnach zü samen rucken  
vnd in die heimlichen winkel schmuckē  
Die roten wänglin träschen  
die schwarzen hemdlein wäschen  
Silberin kleintlein schencken  
mit den augbräwlein wencen  
Ausz der kirchen sich verstellen  
vnd in engen gassen verheulen  
Käplein verkaufen

heüt schlagen vnd morgen rauffen  
Dil schalckheit vnd büberey  
do bin ich nye gewesen bey  
Von mancher hand sachen  
darmit sie den gesellen das hürübel ma  
Wölcher nun das hürübel hat chen  
der merckt was im hernaber gat  
Sein schlaff würt im genommen gar  
so müsz er lauffen här vnd dar  
Gleych wie ein wütender hundert  
vnd kan gerüen zü keiner stundt  
Das abnemen gewint er im seckel auch  
so würt er erst gar zü einem gauch  
Er würt blindt vnd darzū taub  
er nympt zü wie im winter das laub  
Wölcher des hürübel ist nun vol  
man sieht des an disen dingen wol  
Wann er sal zü tisch sitzen  
so w \* er vor igsten schwitze  
Er ha manchen seltsamen gedanc  
zeyt vnd weyl die wirt im lanc  
Er thüt nichts den vltzleyn schnitzen  
mit den selben die wend zerkrutzen

hem t vnder sich sein haubt  
von im würt gantz nyemant er frawt  
füß rütchen / teller küpffen  
handzwechelen knüpfen  
Gläser klencken  
manchen tieffen süßtzen sencken  
Mit brotmessern klopffen  
die fingern ropffen  
Ober sich sehen  
treibt er vil das müsz ich zehen  
Die augen würfft er het vnd dar  
zū lest so würt er der metzen nar  
Alte schuld rechen  
nyemant mer freuntlich zū sprechen  
Tischlachen schaben  
solche zeychen müsz er all an im haben  
Was ander leüt thün das ist im schwer  
er ist ein rechter marterer  
Vnd ligt stätigs in grossen wee  
zū nachts so laufft er in dem schnee  
So er den hört der metzen stym  
erst sticht in das hürübel grym  
von frost vnd rege leydt er vil

also meybt der thoz sein seiten spil  
hin über die wochen gantz  
am sonntag schenckt im die metz ein krantz  
Der ist nit einer haselmusz wert  
darmit hat sie den narren gewert  
So er nun den krantz auff treit  
so dunckt er sich wol zehen mal als breyt  
Er laufft darmit in alle gassen  
er meynt sich stoltz on alle massen  
hendkraven fürcht er vast  
das er nit ein ander vmb den hindsn tast  
Er hebt wider an zū summen wie ein kü  
vnd spricht nyemant mer freuntlich zū  
Was in die metz heiszt das müsz er thün  
so ist der krieg ein klein versün  
Ach nun helff vns gott allen  
das wir nit in das bösz hürübel fallen  
Wölchem aber das hürübel ist schwer  
dem wil ich geben ein gütte ler  
Wie er das sol vertreyben  
das wil ich hie beschreyben  
Mit etlichen güten kreüten  
als ich euch wil be reüten

Ein kreütlein das heiszt meyden  
das müß man heimlich abschneiden  
Ein anders auch darneben stat  
maß lieb es den namen hat  
Ein anders das heiszt abelan  
nacht scheiden müß man auch han  
Selten sehen ist vast güt  
die kreüter hab einer in seiner hüt  
Wölcher sich des hürübel wil weren  
der sol zu gärten gesellen keren  
Wo sie mezen bey dem kühlen wein  
vnd sol sie mezen ein mezen lassen sein  
Bisz das sie im würt geben zu der ee  
ym würt warlich darnach wol wee  
Er gebt sie wiß vmb dz halb hauptgüt  
Also spricht Niklaus Wolgemüt.





